

folet, vel brevis mora aliquam miseris oppidanis pareret calamitatem. Præfectus, ne deditorum fortunam prodere videretur, continuo pecunias legato expedit, quas Jacobus Spiritellus Belunnenfis, homo inter suos populares prædices, barbaro gratificaturus numeravit. Tria millia circiter & quingentos aureos nummos Seravallum missos scribit Chinatius, quibus militi datis, arx restituta est. Eam confestim Liopoldi præsidium iniit.

Hæc in Taurisinis gerebantur: quum Veneti (quia fama erat, Ligures numerosam classem comparasse, ac nuper illam domo profectam) veriti ne longæ naves quas ab initio veris in Cretam Simoneto Præfecto miserant, ab hoste subito incurfu opprimerentur, octo validas triremes instruunt, instructas Zenus, cui maris imperium in annum fuerat ab initio decretum, in altum educit. Primo igitur, ut iussus erat, in Cretam ad suos tuendos cursum intendit. Sed dum Dalmaticam oram legit, ad duodecim Illyrici nominis navigia obviam facta oppressit, oppressaque, sublatis rebus, concremavit: nec multo post in Peloponnesiaca ora onerariam Ligusticam, preciosa merce refertam, quam postea in Cretam misit. Inde ipse ad Maleam promontorium confedit, ubi classem ex Creta venientem expectare constituit. Simonetus paucis post diebus cum decem longis navibus huc venit: has reliquæ non multo post secutæ, ita ut paucis diebus unius & triginta triremium numerus sit expletus. Et quia constans fama erat, unam & viginti hostium naves esse quæ appropinquare dicebantur: statuit Zenus, quinque navibus cum merce ad Methonem relictis, ipse cum reliquis instructis ad hostem ire. Biduo postquam profectus est, ad Juncum Ligusticam classem adeptus, quia pugnam hostis detrectavit, toto die frustra insecutus est: ad vesperam, jam se tenebris intendentibus, hostis ex oculis evanuit. Venetus Anconem usque progressus decem triremes ad præsidium urbis mittit: ipse cum cætera classe ad Liguriæ oram vastandam ire constituit. Omni itaque Hadriaci, Ionii, Tyrrenique maris tractu prospero cursu emenso, ubi hostium

*Carolus Zenus in ora Inferimarvis hostes frustra insequitur.*